

周

禮

正

義

周禮正義卷七十六

瑞安孫詒讓學

輪人爲蓋達常圍三寸圍三寸徑一寸也鄭司農云達常蓋斗柄下入杠中也疏輪人爲蓋者釋名釋車云蓋在上覆蓋人也程瑤田云蓋亦輪人爲之者輪圍蓋亦圍蓋弓之趨於部也猶輪輻一趨於轂故兼官也王宗洙云蓋凡三等大者弓長六尺中者弓長五尺小者弓長四尺蓋雖有三等之殊而達常圍程圍部廣部長程長部尊鑿廣鑿上鑿下鑿突下直鑿端之度則無殊詒讓案淮南子汜論訓鞬騶羸蓋高注云蓋步蓋也則蓋有車有步此轉爲車蓋故輪人兼爲之注云圍三寸徑一寸也者周髀筭經趙注云圓徑一而周三故圍三寸得徑一寸然

此疏率也王宗濂云三寸圓周也呂密率推之徑九分五釐四豪九秒二忽零鄭司農云達常蓋斗柄下入杠中也者賈疏云蓋柄有兩節此達常是上節下入杠中也戴震云蓋斗謂之部其柄謂之達常程圍倍之六寸圍六寸徑二寸足呂含達常鄭司農云程蓋杠也讀如丹桓宮楹之楹疏程圍倍之六寸者賈疏云此蓋柄下節屬大常一倍向上含達常也注云圍六寸徑二寸者此亦依圓周求徑率求之王宗濂云六寸亦圓周也呂密率推之徑一寸九分零九豪零八秒五忽零云足呂含達常者錢坫云達常徑一寸下入杠中杠徑二寸則鑿外猶餘十分寸之五鑿柄不傷鄭司農云程蓋杠也者華嚴經音義云杠謂蓋竿也釋名釋車云杠公也服又所公共也案古者車蓋之

杠蓋皆建於軾閒有環目持之謂之輶輶故釋名又云輶輶猶
祕齧也在車軾上正輶之祕齧前卻也華嚴經音義引聲類云
俾倪是軾中環持蓋杠者也急就篇顏注亦云俾倪持蓋之杠
在軾中央環爲之所目止蓋弓之弄卻也是古車蓋皆在軾閒
有環目持其程則不入輿馭亦足目爲固也今本釋名軾譌輶
輶譌輪學者遂不知車蓋建於軾閒之制故附論之云讀如丹
桓宮楹之楹者段玉裁云此疑其音也詒讓案釋文云程園讀
爲楹音盈據此讀如疑當作讀爲弄穀大而短則擊注擊讀爲
榮釋文亦先出則擊讀爲榮而後發音與此例同讀爲楹者謂
此程卽楹字也丹桓宮楹見春秋莊二十三年經說文木部云
程牀弄几楹柱也此蓋杠直建與柱義近故先鄭讀爲楹說文

糸部繼重文作經左傳欒盈史記晉世家作欒逞是盈呈聲近相通之例蓋杠論衡談天篇又謂之蓋莖莖與桎聲義亦相近信其桎圍以爲部廣部廣六寸廣謂徑也鄭司農云部蓋斗也疏信其桎圍呂爲部廣者賈疏云此言蓋之斗四面鑿孔內蓋弓者於上部高隆穹然謂之爲部信古之申字申上桎圍六寸呂爲此部徑詒讓案此申桎之曲圍以爲達常之直徑故呂信言之云部廣六寸者王宗凍云蓋圍則部亦圍徑六寸於六觔率周一尺八寸呂密率推之周一尺八寸八分四釐九豪五秒五忽零達常與部當呂一完木爲之上留廣六寸厚一寸一分者爲部下斲削其四旁獨留圍三寸之心木爲達常 注云廣謂徑也者周髀算經趙注云徑者圓中之直也此部亦圓形中

直廣博如一故廣卽徑也鄭司農云部蓋斗也者謂蓋頭之斗部卽柎之借字左昭二十五年傳楬柎說文木部引作楬部是其證也弓人弓把名柎車蓋之弓兩邊下垂類射弓部當其中與把相目故其名亦同蓋斗漢時語御覽天部引桓譚新論云北斗極天樞樞天軸也猶蓋有保斗矣蓋雖轉而保斗不迤天亦轉周匝而斗極常在是蓋斗亦謂之保斗論衡談天篇又謂之蓋葆保葆與部並一聲之轉部長二尺謂斗柄達常也疏注云謂斗柄達常也者賈疏云此部卽達常以此達常上入部中遂名此達常爲部其實是達常也鄭用牧云部昁一寸連於達常通長二尺不計其入柎中者王宗凍云部與達常通高二尺達常雖部之柄而與部連爲一節故統名爲部二尺者直蓋之

部也直蓋卿呂下車左定九年與之犀軒直蓋杜云犀軒卿車其證也諸侯呂上車用曲蓋其達常當較長於直蓋之達常而揉屈之然部高於程仍不過二尺記故不詳曲蓋之達常案王說是也部與達常同一木故蓋弓二十八持之而固若如賈說部與達常異木則部雖二尺入達常者不過一寸一分雖有縫者持之亦不足呂爲固矣程長倍之四尺者二杠長八尺謂達常呂下也加達常二尺則蓋高一丈立乘也疏程長倍之四尺者二者此經文例與上下不同程長八尺較之部長實不止一倍儻如舊說程止是一長八尺之直杠則經冢上文云程長四之足矣而乃云程長倍之四尺者二呂徑直之度而爲迂曲之文果何義乎據下注謂故書十與上一合爲廿字杜子春定爲

二十是杜鄭所見並如今本則又無譌文竊謂經文當與車人大車渠三柯者三同例疑古車蓋之杠當爲二節上下各長四尺蓋與達常爲三節也其建於車上則別曰軸鍵連曰爲一車止時車右持蓋曰從則但持其上節六尺之部杠而下道右王下則曰蓋從是也蓋在車上則建於軾閒故必八尺之杠而後無蔽目之患在車下則人持之其高下在手故去其下杠使輕便易舉此則校之經文而適協揆之事理而可通矣又案據左定九年傳有直蓋則亦有曲蓋曲蓋之程長度當亦與直蓋同知此云四尺者二不指曲蓋之杠曲折上下截之分度者曰曲杠上下曲直不同則經文當如車人爲耒中直下句分著其度蓋上直四尺則下句有弧曲之減其弦必不及四尺段令弦度

四尺則通弧曲計之又必增於四尺斷不能上下平等今經云四尺者二則是上下等度必非曲蓋明矣 注云杠長八尺謂達常呂下也者杠在達常之下而達常之度駭於部長二尺之內故知此長八尺指達常呂下也云加達常二尺則蓋高一丈立橐也者林希逸云此文所謂蓋崇十尺者也賈疏云人長八尺蓋弓有宇曲之減二尺得不障人目也詒讓案釋名釋車云高車其蓋高立橐載之車也安車蓋卑坐橐今吏所橐小車也據此則惟高車之蓋部杠得長十尺小車蓋卑則部杠之度當遞減不得有十尺故鄭云立橐也**十分寸之一**謂之枚爲下起數也枚一分故書十與上二合爲二十字杜子春云當爲四尺者二十分寸之一**疏**十分寸之一謂之枚者此枚卽十釐之

分不云分而云枚者經文它言分者並取筭術差分爲義此爲實度慮其淆提故改分爲枚而明楊其度也 注云爲下起數也者下文部尊及鑿上下諸度並目枚計故此先出枚之度以起例也云枚一分者賈子六術篇云十釐爲分十分爲寸是十分之一卽一分也云故書十與上二合爲二十字杜子春云當爲四尺者二十分寸之一者二十字賈疏作廿字段玉裁云各本注誤惟疏不誤說文十部曰廿二十并也古文省又卅三十并也古文省案廿讀如入卅讀如颯秦刻石文如是并爲一字則不讀爲兩字後世如唐石經作廿作卅仍讀二十三十非古也此經二上屬十下屬而故書合爲一字正由寫者不分句讀所致部尊一枚尊高也蓋斗上隆高高一分也疏注云尊高

周禮正義 禮七十六

五 楚學附本

五百四十八

也者廣雅釋詁同云蓋斗上隆高高一分也者錢坫云部昂一寸而上隆高十分寸之一亦例目上欲尊也王宗陳云謂部頂上加昂一分也部徑六寸其加昂之一分四角當各減三分徑五寸四分爲十分部廣而殺其一弓鑿廣四枚鑿上二枚鑿下四枚弓蓋椽也廣大也是爲部昂一寸疏弓鑿廣四枚者王宗陳云鑿部上容弓菑之穴縱橫皆四分方空也一部積二十八鑿凡一尺一寸二分置部圓一尺八寸八分四釐九豪五秒五忽除去一尺一寸二分餘七寸六分四釐九豪五秒五忽則每鑿口相距二分七釐三豪二秒零云鑿上二枚鑿下四枚者賈疏云必目孔上二枚孔下四枚者目其弓下用力故也注云弓蓋椽也者大戴禮記保傅篇云二十八椽目象列星盧注云

檠蓋弓也續漢書輿服志羽蓋華蚤劉注引徐廣云金華施檠
未有二十八枚卽蓋弓也淮南子說林訓云蓋非檠不能蔽日
御覽車部引淮南舊注云檠蓋骨也案正字本作輶丁晏云急
就篇蓋輶俾倪輶縛棠顏師古注輶蓋弓之施爪者也謂之輶
者言若屋椽檠也說文車部輶車蓋弓也釋名釋車輶蓋叉也
如屋構檠也詒讓案方言云車枸簠宋魏陳楚之閒謂之篋或
謂之蜚簠西隴謂之播南楚之外謂之篷或謂之隆屈郭注云
卽車弓也彼車枸簠亦呼爲篷疑猶今輶車上隆起爲篷人居
其中漢時蓋已有此制與此車蓋弓異云廣大也者廣雅釋詁
同賈疏云恐直目橫廣四枚上下不知其數故訓廣爲大明上
下及橫皆四分也案經凡言廣者多爲橫此廣鄭賈知爲方徑

者經言鑿上二枚鑿下四枚皆主直徑言之不容鑿間不言直徑故知爲正方之廣也云是爲部昂一寸者戴震云鑿上下合六分并鑿空四分共一寸也惠士奇云鑿廣四分其不鑿者上有二分下有四分合之爲一寸王宗濬云鄭云厚一寸不計部尊也連隆高者部厚一寸一分鑿深二寸有半下直二枚鑿端一枚鑿突對爲五寸是目不傷達常也下直二枚者鑿空下正面上低二分也其弓菑則撓之平剡其下二分而內之欲令蓋之尊終平不蒙撓也端內題也疏鑿突二寸有半者賈疏云此經說蓋斗之上鑿孔內弓二十八孔之上下廣狹之義云下直二枚鑿端一枚者惠士奇云鑿孔外內若一日直內孔之下與外平而上低二分不鑿則上有四分下有四分其鑿者二分而

已弓廣四分殺去二分而內於鑿內其端又殺去參分惟一分而已故曰鑿端一枚端謂弓頭也戴震云弓鑿外大內小外從橫皆四分內從二分下直二枚是也橫一分鑿端一枚是也下直者對上逆爲言鑿下外內同四分鑿上外二分內四分加部尊焉又云二枚一枚皆鑿端弓杪所至欲見鑿空下正故云下直二枚鑿端一枚便文協句爾詒讓案弓箭之入鑿內者長當盡其鑿亦二寸五分其廣從橫漸殺目趨鑿端者下平刻二分畱上二分不刻兩旁各刻一分五釐畱中一分不刻故從中得二分橫廣止一分也一枚者弓箭之末從橫皆止一分也 注云鑿疾對爲五寸是目不傷達常也者賈疏云前文云部廣六寸達常徑一寸達常上入部中徑一寸則兩畔共有五寸在今

周禮正義 禮七十六

七百四十六

弓鑿筓二寸半用各二寸半是不侵達常也案賈意達常與部爲二木非也鄭不云不傷部而云不傷達常者正以達常與部爲一木則部內不鑿者尙留有一寸之徑耳非謂達常別爲一木爲部所含也蓋弓二十有八以鑿端一枚計之積二寸八分環欝部心徑一寸圍三寸之外鑿端相距餘地止七豪有奇段令部與達常爲二木達常從不傷而部幾全穿斷無不傷之理將何目爲固乎足闕其不然矣云下直二枚者鑿空下正而上低二分也者賈疏云直正也鑿孔下正者上文鑿下四枚今於內畔於下亦四枚與外正平故云下正也上低二分者并文鑿上二枚今於內畔孔低二分鑿上亦四枚故云上低二分也云其弓筓則撓之平剡其下二分而內之者賈疏云撓亦減也

弓外畔上下四枚今於內畔減二枚惟有二分剡去也故云平
剡其下二分而內之詒讓案撓者對鑿下直而言謂蓄下雖平
剡而由鑿外之弓視之則若逆插不正直也云欲令蓋之尊終
平不蒙撓也者賈疏云蓋尊外畔孔上二枚及內畔上下俱四
枚若然蓋弓向外頭仰但以蓋弓三分一分外爲宇曲又以衣
蒙之則弓低故蓋尊終平不蒙撓又得吐水也案賈說亦非也
此矧弓蓄必平剡其下二分之一之意不蒙撓謂不蒙入鑿之蓄而
撓曲也蓋弓蓄內鑿者爲仰執曰逆制其悅者故雖重勢下注
而悅仰相劑近部處終平也疏未得鄭指云端內題也者端端
之段字說文端部云端物初生之題也淮南子本經訓高注云
題頭也此鑿端亦卽鑿內之頭故云內題也弓長六尺謂之庇

軹五尺謂之底輪四尺謂之底軫底覆也故書底作祕杜子春
 云祕當爲底謂覆幹也立謂軹轂末也與廣六尺六寸兩轂并
 六尺四寸旁減軹內七寸則兩軹之廣凡丈一尺六寸也六尺
 之弓倍之加部廣凡丈二尺六寸有宇曲之減可覆軹不及幹
 則弓長六尺謂之底軹者蓋之大小無定其差有此目下三等
 降殺各目一尺與車軹輪軫之廣相應也王宗棟云六尺五尺
 四尺弓蓄未入算 注云底覆也者表記注同云故書底作祕
 杜子春云祕當爲底者段玉裁云必聲比聲合音相近杜謂字
 之誤也云謂覆幹也者上疑當有底軹二字杜以此底軹卽謂
 覆車軸端之軹也與大馭注訓軹爲兩轄同幹者牽之借字說
 文并部云牽車軸端鍵也又車部云轄鍵也字或作鑿孫奭孟

予音義引丁公著云鑄車轄也輦轄鑄幹義竝同故蘇氏三禮圖約此注義作轄釋文作轄云或作幹俱音管案轄幹同音字亦通然在此注則轄爲誤文說文車部云轄轂耑鎋也類篇軼部云幹轂杳也是幹之義可通於轂杳而轄則無耑鎋義若依陸本作轄則與軼雖異物而同在轂耑後鄭不應曰此軼不及轄破杜說陸蓋依誤本作音不足據也幹明注疏本作幹尤誤云立謂軼轂末也者總敘注同此破杜說也云輿廣六尺六寸者輿人文輿廣卽兩軼閒之度四尺之弓所覆者也云兩轂并六尺四寸者據輪人數長三尺二寸兩之得六尺四寸也云有減軌內七寸者賈疏云上云呂其轂長二在外一在內呂置其輻輻內九寸半徑三分寸之二金轄之閒三分寸之一幅又

三寸半總尺四寸目此計之目七寸承輿七寸爲軌故云旁減軌內七寸也詒讓案兩軌相距八尺卽輪間之度五尺之弓所覆者也云則兩軌之廣凡丈一尺六寸也者賈疏云向計輿六尺六寸并兩轂六尺四寸總一丈三尺減尺四寸八輿下其餘有丈一尺六寸也云六尺之弓倍之加部廣凡丈二尺六寸有宇曲之減可覆軌不及幹者謂六尺之弓僅能覆轂末不能及軸末也惠士奇云六尺之弓加部廣六寸凡丈二尺六寸有宇曲之減謂近部平者二尺而四尺爲宇曲低於部二尺面三尺幾半以面加尊二尺則弓長五尺幾半故曰可覆軌不及幹王宗涑云六尺之弓近部平者二尺并宇曲之平徑兩數共得五尺四寸六分有奇倍之加部廣蓋徑凡一丈一尺五寸三分弱

準曰一丈一尺六寸之軹不足七分強案依王說蓋平徑較之
兩軹之廣雖不足七分強然兩面分之止差三分強宇曲平徑
容少有增侈加呂蚤飾蓋巾之幪無不覆之嫌也參分弓長而
揉其一參分之持長撓短短者近部而平長者爲宇曲也六尺
之弓近部二尺四尺爲宇曲疏參分弓長而揉其一者阮元云
揉依說文當作揉案詳上揉牙疏 注云參分之持長撓短短
者近部而平長者爲宇曲也者賈疏云弓長六尺三分一分有
二尺既云參分長揉其一則揉其二尺近部者必揉近部二尺
者曰其本鑿弓孔時外畔弓上二枚弓下四枚內畔上下俱四
枚由弓頭仰故須近部撓之使平向下四尺持之爲宇曲吐水
也戴震云弓插入鑿中列其下二分兩旁各刻一分有半鑿空

下平直則弓必上仰故揉其近部之二尺使平外四尺自下迤而咸字曲詒讓案蓋蓄入鑿者爲仰勢故鑿外之弓須略揉之而後可呂取平其所揉蓋始於蓄本之外至距部三分一而止是揉者在近部平處而不在宇曲下地處也云六尺之弓近部二尺四尺爲宇曲者此呂庇軼六尺之弓計之若五尺之弓則近部當一尺六寸三分寸之二以三尺三寸三分寸之一爲宇曲四尺之弓近部當一尺三寸三分寸之一呂二尺六寸三分寸之二爲宇曲也王宗陳云五尺之弓近部一尺六寸六分六釐六豪六秒六忽強宇曲三尺三寸三分三釐三豪三秒三忽強四尺之弓近部一尺三寸三分三釐三豪三秒三忽強宇曲二尺六寸六分六釐六豪六秒六忽強參分其股圍去一以爲

蚤圍蚤當爲爪。弓鑿之廣爲股圍。則寸六分也。爪圍一寸十五分寸之一。**疏**參分其股圍去一。弓爲蚤圍者。並謂方圍也。股卽弓上之傳於鑿者。股圍卽鑿之方徑。故經不別出股圍之度。王宗淩云。股弓近部者。爪弓末也。鄭鍔云。股與輻之近轂者。謂之股。同弓之近部者。亦謂之股。弓其大也。蚤與輻之入牙者。謂之蚤。同弓之字曲者。亦謂之蚤。弓其小也。注云蚤當爲爪者。前注同案。此與輻蚤字皆當作叉。鄭弓漢時習用爪。故讀从之。獨顧云。凡乘輿車皆羽蓋。金華爪。續漢書輿服志作華蚤。說文玉部云瑤車蓋玉瑤。此秦漢制。未見有玉飾者之。轉名古無此字也。云弓鑿之廣爲股圍。則寸六分也者。賈疏云上云弓鑿廣四枚。卽弓方圍之四。四十六故圍寸六分。云爪圍一寸十五

分寸之一者賈疏云一寸爲三十分六分者爲十八分通并總四十八取三十分去十分得二十分十八分者去六分得十二分以十二并二十爲三十二分三十分作寸餘二分是三十分寸之二三十分寸之二卽是十五分寸之一故云爪圍十五分寸之一也王宗凍云自股漸殺至末其圍得股圍三分之二凡一寸零六釐六豪六秒六忽零乃殺之極也參分弓長以其一爲之尊尊高也六尺之弓上近部平者二尺爪末下於部二尺二尺爲句四尺爲弦求其股股十二除之面三尺幾半也疏參分弓長自其一爲之尊者此明揉弓之度也注云尊高也者前注同云六尺之弓上近部平者二尺爪末下於部二尺者近部平謂不曲者也其下字曲有四尺字曲之末爪端下於部者

則二尺卽上平高於爪端之度也其五尺之弓則上近部平者一尺六寸三分寸之二爪末下於部同四尺之弓則上近部平者一尺三寸三分寸之一爪末下於部亦同云二尺爲句四尺爲弦求其股股十二除之面三尺幾半也者賈疏云幾近也言近半甄鸞五經算術云按句股之法橫者爲句直者爲股裏者爲弦若句三則股四而弦五此自然之率也今此車蓋句二弦四則股三此亦自然之率矣求之濫句自棄以減弦自棄其餘開方除之卽股也今車蓋崇二尺弓四尺呂崇下二尺爲句弓四尺爲弦爲之求股求股之法句二尺自棄得四弦四尺自棄得十六呂四減十六餘十二開方除之得三卽股三尺也餘三倍方濫三得六又以下濫一從之得七卽股三尺七分尺之三

故曰幾半也李潛風注云謹案其問宜云車蓋之弓長六尺近上二尺連部而平爲高四尺邪下字曲爲弦爪末下於部二尺爲句欲求其股問股幾何曰三尺七分尺之三術曰句自乘呂減弦自乘其餘開方除之卽得股也王宗凍云此句但據六尺弓之大蓋言也鄭故依弓之長六尺者計之六尺之弓股長三尺四寸六分四釐一豪零一忽零并近部平者倍之加部廣蓋徑得一丈一尺五寸二分八釐二豪零二忽零案王所推與甄李術同永樂大典本五經筭術引此注求其股求作乘當是誤書又除之上有開方二字疑甄鸞所增也其五尺四尺之弓句股弦之數鄭及甄李並未推曰此率求之可得也上欲尊而宇欲卑上近部平者也賸下曰宇疏上欲尊而宇欲卑者曰下並

申論參分弓長呂一爲尊之意也賈疏云上謂近部二尺者宇謂持長二尺者也 注云上近部平者也者對宇下垂者爲下故近部平者爲上也云隕下曰宇者說文宀部云宇屋邊也淮南子覽冥訓高注云宇屋簷也廣雅釋詁云隕衰也蓋爪隕衰下覆與屋四垂相侶故呂屋檐爲名猶爪之亦名櫟也程瑤田云參分一在上爲尊其二者在下爲宇也上尊而宇卑則吐水疾而雷遠蓋者主爲雨設也乘車無蓋禮所謂潦車謂蓋車與疏則吐水疾而雷遠者說文雨部云雷屋水流也蓋弓如屋宇之隕下故呂雷言之雷遠者言水下流不溼輶輪軫呂內也 注云蓋者主爲雨設也乘車無蓋者賈疏云按巾車五路皆不言蓋呂其建旌旗故無蓋故彼云及葬執蓋從車持旌鄭云王

唐禮正義卷七十六

五百四十七

平生時乘車建旌雨則有益又道右職云王式則下前馬王下則曰蓋從注云曰蓋從表尊非謂在車時若今傘蓋者也鄭鎬云巾車惟王后五路重翟安車皆有容蓋輦車言有翼羽蓋彼婦入車蓋疑非此輪人所婦掌也車未有不用蓋者道右掌前道車言王下則曰蓋從不婦爲雨而用蓋也孔廣森云車上設蓋陰則御雨晴則蔽日道右王下則曰蓋從春秋左傳衛侯出奔使華寅肉袒執蓋又齊侯賜敝無存犀軒直蓋是五路有益明矣左傳笠轂注云兵車無蓋尊者則邊人執笠依轂而立亦未知是否案鄭孔謂秦車有益不婦爲雨設是也史記商鞅傳趙良曰五穀大夫勞不坐秦暑不張蓋是蓋兼以蔽日之證大戴禮記保傅曰蓋圓象天爲路車之制是路車有益史記晏子

列傳云晏子御擁大蓋策四馬說苑臣術篇云田子方遇翟黃
秦軒車載華蓋並秦車有蓋之證秦車建旌旗而得建蓋者蓋
杠插於式閒檢圖取足覆輿而不盡方軫之四隅故與旌旗之
建於轎外闌局者不相妨也王宗棟又謂兵車亦張蓋云左宣
四年楚子與若敖氏戰伯勞射王貫笠轂笠蓋也轂輻所聚也
部亦蓋弓所聚因名爲笠轂據此兵車亦有時設蓋也安得云
秦車無蓋哉案王說未知是否姑存目備考云禮所謂潦車謂
蓋車與者旣夕記橐車載蓑笠注云橐猶散也散車目田目鄙
之車蓑笠備雨服今文橐爲潦是鄭彼注从古文作橐車此仍
从今文者目欲闢蓋主爲雨設彼潦車或取備水潦之義載蓑
笠時當並設蓋故疑蓋車卽彼潦車也蓋已崇則難爲門也蓋

已卑是蔽目也是故蓋崇十尺十尺其中正也蓋十尺宇二尺而人長八尺卑於此蔽人目疏蓋已崇則難爲門也者蓋長十尺建於車上軫距地四尺則丈四尺也藝文類聚禮儀部引周書說明堂門方十六尺其說不甚確疑宮室之門容有高不及丈五尺者故蓋逾十尺則難爲門也注云十尺其中正也者目部長二尺程長八尺合之爲十尺三等之蓋大小不同而崇度必目十尺爲中正不得損益也云蓋十尺宇二尺而人長八尺卑於此蔽人目者人長八尺見總敘明人長正與宇末相直故不蔽目也良蓋弗冒弗絃殷畝而馳不隊謂之國工隊落也善蓋者目橫馳於壘上無衣若無絃而弓不落也疏良蓋弗冒弗絃殷畝而馳不隊者畝畝之俗大司徒遂人經並作焉此疑

誤隊唐石經作墜阮元云墜者隊之俗王宗洙云此言弓繻與部鑿相得之甚也呂幕蒙蓋弓曰冒曰繩聯綴蓋弓之字曰紃紃維也說文糸部維車蓋維也凡爲車蓋旣植弓於部鑿乃曰繩聯綴其字而後衣之詒讓案此記察蓋之法淮南子原道訓紃宇宙而章三光高注云紃綱也若小車蓋四維謂之紃繩之類也是維蓋之繩名紃之證冒者說文巾部云幪蓋衣也幪冒一聲之轉冒字又作帽文選張衡西京賦戴翠帽辟綜注云翠羽爲車蓋韓非子外儲說左篇云管仲父出朱蓋青衣鵲冠子天則篇云蓋毋錦杠悉動者其要在一也蓋言曰錦爲衣凡蓋衣施蓋弓之上婦人車又下垂爲容詳巾車疏注云隊落也者說文自部云隊從高隊也爾雅釋詁云墜落也云善蓋者曰

橫馳於壘上無衣若無絃而弓不落也者莊子釋文引司馬彪云壘上曰畝爾雅釋詁云殷中也車馳於畝中卽是橫絕故鄭訓殷爲橫史記天官書云北斗七星衡殷南斗六韜戰車篇云殷革橫畝犯厥浚澤者車之拂地也卽殷畝之義無衣無絃然而弓不落者言弓蓄入鑿之固也

輿人爲車輪崇車廣衡長參如一謂之參稱稱猶等也車輿也衡亦長容兩服疏輿人爲車者亦呂所制之器名工也釋名釋車云輿舉也賈疏云此輿人婦作車輿記人言車者車呂輿爲主故車爲總名云輪崇車廣衡長參如一者賈疏云謂俱六尺六寸也錢坫云古車蓋用橫廣史記袁盎曰天子所與共六尺輿者蓋舉成數言漢制與工官亦同案錢說是也賈子新書禮

篇云六尺之輿無方丈之義則君臣不啻亦舉成數言之凡兵車乘車輿廣衡長六尺六寸田車輿廣衡長六尺三寸 注云稱猶等也者廣雅釋詁云等齊也云車輿也者說文車部云車輿輪之總名也輿車輿也論語鄉黨皇疏云車牀名輿段玉裁云輿人不言爲輿而言爲車者輿爲人所尻可獨得車名也輶較軫軹輶皆輿事也阮元云輿者軫輶軹輶之總名輶謂較式內爲輿者非云衡亦長容兩服者莊子馬蹄篇釋文云衡轅者橫木縛輶者也釋名釋車云衡橫也橫馬頸上也詩鄭風大叔于田箋云兩服中央夾轅者呂氏春秋愛士篇高注云兩馬在中爲服鄭言此者啻馬車衡下容兩服別於牛車隔下止一牛故車人大車隔長大尺此贏於彼六寸也賈疏云呂其驂馬別

有輶隔引車故衡唯容服也案衡制度詳輶人疏參分車廣去
一以爲隧兵車之隧四尺四寸鄭司農云隧謂車輿深也讀如
鑽燧改火之燧立謂讀如蓬字之蓬疏參分車廣去一曰爲隧
者目下明輿上三面之度數也注云兵車之隧四尺四寸者
賈疏云鄭皆言兵車者按上文先言兵車後言乘車故據先而
言其實乘車亦同也隧謂車輿之縱凡人所乘皆取橫闊目或
參乘或四乘故橫則六尺六寸此隧輿之從三分六尺六寸取
二分目四尺四寸爲之鄭珍云經注並於車之長無文本疏云
隧謂車輿之從橫則六尺六寸又巾車疏云兵車乘車橫廣并
後短大車柏車羊車皆方孔氏詩小戎疏云兵車當輿之內并
軫至後軫突四尺四寸大車突八尺兵車之軾較大車爲淺故

謂之淺軫知賈孔諸儒竝目隧突爲卽車之長也黃以周云隧四尺四寸卽謂輿突軫廣軾廣統於四尺四寸之內軾人任正注去軾軾并十尺與隧四尺四寸广丈四尺四寸案黃說是也依鄭賈義則車箱式軾之木皆盡軾軾之邊際而軾踵亦適齊後軾是四尺四寸之外四面略無餘地矣若然式軾外有闌扃及笮者蓋皆目竹木編構附著軾軾軾軾之間而於軾軾廣長之度則一無所增也又案田車之隧蓋突四尺二寸鄭司農云隧謂車輿突也者突謂從度對廣爲橫度也云讀如鑽燧改火之燧者先鄭讀如論語陽貨篇之燧取音同也覺氏注夫隧亦卽金燧云立謂讀如遠字之遠者後鄭目鑽燧與此義不協故易之楚辭招魂高堂邃宇王注云邃突也此隧亦謂車突邃之

周禮正義

禮七十六

十七

楚學社本

五百四十八

處故卽音目明義耳段玉裁云此皆擬其音而遽宇於義近參
分其隧一在前二在後以揉其式兵車之式深尺四寸三分寸
之二疏參分其隧一在蒔二在後目揉其式者釋名釋車云軾
式也所伏目式教者也說文車部云軾車蒔也史記淮陰侯傳
集解引韋昭云軾今小車中隆起者案經典通段式爲軾論語
鄉黨皇疏云古人乘路車如今龍旂車皆於車中倚立倚立難
久故於車箱上安一橫木目手隱憑之謂之爲較詩云倚重較
是也又於較之下末至車牀半許安一橫木名爲軾若在車上
應爲敬時則落手憑軾曲禮孔疏說略同江永云式有通指其
地者參分其隧一在蒔二在後目揉其式是也有切指其木者
參分軾圍去一目爲式圍是也因蒔有憑式木故通車蒔參分

隧之一皆可謂之式其實式木不止橫在車莠有曲而在兩旁
左人可憑左手右人可憑右手者皆通謂之式人立車莠皆式
之地也其言揉其式何也蓋揉兩曲木自兩旁合於莠所目用
曲木者不欲令折處有棱角觸礙人手如今人作椅子扶手亦
揉曲木是也式崇三尺三寸并式突處言之兩端與兩轡之植
軹相接軍中望遠亦可一足履莠式一足履旁式左傳長勺之
戰登軹而望是也式木有藪木承之甚固故可履也車制如後
世紗帽之形莠低後高式崇三尺三寸不及人之半腰故御者
可執轡射者可引弓而憑式須小俯也莠人但知式車莠橫木
不細考輿人車莠三分之一處通名爲式而可憑之木又有在
兩旁者是目不得其狀於鄭注較兩轡上出式遂意其在橫木

之上於是輿制皆繆亂矣試思較若在橫木上則人憑式首觸較矣較崇五尺五寸及人之胸射者亦不便於引弓橫木在較下將必曰筍貫入輶木而輶圍甚小如何能貫式木又如何能登輶事事推之皆不合矣案江說甚精足正皇孔諸說之誤戴震云記不言式較之長一在并其上三面周呂式則式長九尺五寸三分寸之一也二在後其上爲較則左右較各長二尺九寸三分寸之一也王宗淩云古者橐車之儀三分其隧御者立在并一分尻中而箸於式左右兩入立中一分旁倚於較并直式隅圜折處楚辭云倚結軫兮長太息涕潸潸兮下霑式是也其或四橐則一人尻中後一分兩橐貫軸適直中一分之中禮故云顧不過轂又云戴倍式突升輿廣六尺六寸得九尺五寸

三分寸之一是呂式隅爲方折也方折之隅未有能採屈一木
目爲之者案王謂式隅隅當爲圓折是也黃目周說同但揉折
之處所減蓋無多戴并輿式突廣之餘數大略計之亦不甚相
遠也 注云兵車之式突尺四寸三分寸之二者賈疏云呂四
尺四寸取三尺得一尺又一尺二寸三分之取四寸仍有二寸
在一寸爲三分二寸爲六分取一得二分故云突尺四寸三分
寸之二阮元云一在并卽式突也二在後則轉突也式突一尺
四寸六分六釐六豪江藩云一在并一尺四寸六分六六六二
二在後二尺九寸三分三二四詒讓案田車之式蓋突一尺四
寸以其廣之半爲之式崇兵車之式高三尺三寸疏呂其廣之
半爲之式崇者阮元云式長與輿廣等六尺六寸崇於軫三尺

三寸戴震云式卑於較者呂便車奔射御執兵亦因之伏呂爲敬注云兵車之式高三尺三寸者賈疏云車輿之廣六尺六寸取半爲式之高故知三尺三寸也錢坫云春秋穀梁傳叔孫得臣敗長狄於鹹斷其首而載之肩見於賦范注兵車之軾高三尺三寸說與鄭合詒讓案乘車之式高與兵車同距地皆七尺三寸田車之式高三尺一寸五分距地六尺三寸以其隧之半爲之較崇較兩輪上出式者兵車自較而下凡五尺五寸故書較作權杜子春云當爲較疏呂其隧之半爲之較崇者釋名釋車云較在箱上爲率較也重較其較重卿所乘也詩衛風淇奧猗重較兮毛傳云重較卿士之車字本作較說文車部云較車轡上曲銅鉤也段玉裁云曲鉤言句中鉤也亦謂之車耳西

京賦云戴翠帽倚金較荀卿禮論及史記禮書云彌龍曰養威
彌許書作廣解云乘輿金耳也皆謂較爲龍形而飾曰金司馬
氏輿服志乘輿金薄繆龍爲輿倚較是其義也阮元云說文曰
輒車兩轆也从車耳聲又曰耳耳下垂也象形春秋傳曰秦公
子貺者其耳下垂故曰爲名又曰輒車耳反出也車耳反出乎
輪之上象耳之耳故謂之輒耳其反出又謂之輒至其直立軫
上上曲如兩角之木則謂之重較古今注曰車耳古重較也在
車藩上重起如牛角此固謂車耳重出式上如兩角之觴勢也
秦公子名耳衛公子名輒晉公子名重耳魯叔孫輒字子張鄭
公孫輒字子耳皆此義也輿人曰棧車欲弇飾車欲侈侈卽兩
耳侈張大約古人重較惟卿大夫之車有之至漢猶然禮士乘

棧車棧車者木立軫上不曲如棧也若大夫墨車側夏纓呂上則並名軾有車耳案重較之制阮氏略得大概今呂先秦兩漢人所言者反覆攷之蓋周制庶人乘役車方箱無較士乘棧車呂上皆有較唯士車兩較出式上者正方無飾則有較而不重也大夫呂上所乘之車則於較上更呂銅爲飾謂之曲銅鉤其形圓句邊緣卷曲反出向外故謂之較自蒔視之則如角之句自旁視之則高出式上如人之耳故謂之車耳凡車兩旁最下者爲騎輪下附軫象耳下垂故又謂之軛較在輪上則象耳之上聳是則車耳者較輪之通名也其較上更設曲銅鉤向外反出則是在較耳上重案爲之斯謂之重較重耳矣呂荀子彌龍養威之文推之則周時已有金薄繆龍下金耳不徒爲漢制也

凡輪較輶皆木料惟重較爲金材此爲攻木之工所記者不重之較也說文所釋者重較也凡重耳所附之輪輶無論重與不重竝是直對其句曲而反出者唯銅磨耳左傳鄒大夫姚句耳名卽取諸此又案輶字亦作輶又通作蓄蓄漢書景帝紀云長吏二千石車朱兩輶古今注云文官赤耳是也大玄經積次四云君子積善至于車耳測云至于車蓄也范注云蓄車耳也崔豹謂重較在車藩上重起藩卽謂輶此與車藩蔽異漢書顏注引應劭說車輶云車耳反出所目爲之藩屏翳塵泥也說尙不誤又云輶目簞爲之或用革則似捉輶藩爲一顏師古已辟其誤矣又史記司馬穰苴傳云斬其僕車之左駟索隱云駟當作輶謂車箱外立木承重較之材張氏正義引劉伯莊說同依小

司馬說輶蓋卽較之木材上承曲銅鉤者此亦足證較爲立木
唯金耳乃反出矣錢坫云式突一尺三分寸之二爲句較崇爲
股句股求弦得弦二尺六寸太爲式去較之度 注云較兩輪
上出式者者論語鄉黨皇疏云輶蓋在車箱兩邊三分尻蒔之
一承較者也賈疏云較謂車輿兩箱今人謂之平隔也言兩輪
謂車箱兩旁豎之者二者旣別而云較兩輪上出式者呂其較
之兩頭皆置於輶上一木相附故據兩較出式而言之鄭珍云
說文輶車有也則輶止是車兩旁之稱注云兩輪猶兩旁也上
出式者謂兩旁之上高出於式之平木此平木爲較猶較并平
木爲式式崇較崇並足平木距箱底之高非指豎木承式較者
豎木了得有此高也詳康成注攷工及他經並不見車兩旁有

版處謂旁是版自賈疏其見已然案子尹說輶較之制是也但賈意較爲車箱上端之橫木輶爲箱間豎木以承較者較木平設故此及車人疏謂之平隔山虞疏及詩衛風淇奧孔疏又作平較其說輶較亦不誤輶較在車兩旁通謂之箱故續漢書輿服志劉注引徐廣云較在箱上又引通俗文云車箱爲較是也古車制輿上三面皆有橫直木而無版貴者所乘則有輓革耳云兵車自較而下凡五尺五寸者亦謂距軫之數也下距地則九尺五寸賈疏云呂其菴文式已崇三尺三寸更增此隧之半二尺二寸故爲五尺五寸按照十年左氏傳云陳鮑方睦遂伐樂高氏子良曰先得公陳鮑焉往遂伐虎門公卜使王黑曰遷姑鉅率吉請斷二尺而用之彼注云斷二尺使至於較大夫旗

至較按禮緯諸三旗齊軫大夫齊較軫至較五尺五寸斷三尺
得至較者蓋天子與其臣桑重較之車諸侯之臣車不重較故
有三尺之較也或可服君誤江藩云式崇三尺三寸較崇二尺
二寸去三尺至較是二尺五寸也賈據禮緯言三尺之較與禮
制不合據賈說豈天子與卿士之較崇六尺倍於三尺故言重
較與案賈意當如江說禮緯諸侯旗齊軫大夫齊較節服氏疏
引含文嘉左傳昭七年孔疏公羊襄十八年徐疏引稽命徵並
同新序義勇篇芋尹文曰大夫之旗齊軾廣雅釋天又云卿大
夫七旂至軾文並小異竊謂軾高於軫三尺三寸君旗齊軾斷
三尺適可至軾較雖高出於軾二尺二寸而兩轡上下通得較
偶自軫呂上三尺雖非較之盡處而不得謂非較也至軾又即

較橫直材是齊較齊式齊軹文並得通但據含文嘉稽命徵說
並謂天子旗九仞諸侯七仞大夫五仞士三仞則皆於理難通
故左傳疏亦疑其誤是服據禮緯與此經車制及左傳斷三尺
之文必不能合不足取證賈乃援彼謂三尺爲諸侯之臣車不
重較是較卑於式其說殊繆又案田車較崇蓋二尺一寸崇於
軹五尺二寸五分云故書較作權杜子春云當爲較者權舊本
作權明注疏本作權與釋文合今从之徐養原云說文木部權
水上橫木所目渡者也權爲水上橫木較爲車上橫木義亦相
近故較權古字通晉書林邑傳韓戢估較大半估較卽權酤此
較權通用之證六分其廣以一爲之軹圍軹與後橫者也兵車
之軹圍尺一寸疏六分其廣一爲之軹圍者輿下後軹之圍

小於三面材之圓阮元云軫所呂收眾材者故又謂之收詩秦風小戎箋收傳曰收收淺軫也晏子春秋曰棧軫之車卽小戎義也 注云軫輿後橫者也者鄭珍云康成注加軫與轅云軫輿也是非不呂軫爲四方底軫軫閒爲兩旁矣而蒔注車軫四尺云軫輿後橫木此又云然者呂此經軫圓獨爲輿後橫木之數也知獨爲輿後橫木之數者呂左右蒔三面材之圓在下轆人也四方皆軫其圓宜同而後獨異者以輿後止人所登下非若三面範輿任正之外又需於上置闕故其圓狹於三面也四方圍數雖異同連輿底自歸輿人爲之而任正圓不與軫圓同見輿人乃見之轆人者呂軫圓出數於車廣任正圓出數於轆長也云兵車之軫圍尺一寸者賈疏云輿廣六尺六寸而六分

取一故得尺一寸也鄭珍云軫圍一尺一寸兩邊卑一寸四分
兩面廣四寸一分長六尺六寸向葍一邊中爲槽突七分呂受
底版兩端爲中筍貫左右任木之鑿達於外自面桢之呂轉踵
承其下當軫中爲圓孔連踵通之上大下小合時呂一圓木旋
轉關之令上與軾面平復呂橫桢鍵其下若解輿則向上旋轉
挽之軾與圍固合而不稍遙掉傾挽者鉤心之後全賴此軾之
名轉琴柱之名軾皆由斯義輿上諸材惟軾之四面非正方後
人皆呂正方筭之又不知軾與任正異圍之所呂然經注大指
全失案子尹說推筭頗密於義近是依其說則軾圍爲橢方圍
江永則呂爲正方形云軾方徑二寸七分有半金榜江藩王宗
凍說同凡此經諸圍或方或圓或橢長不等經注旣無明文姑

兼存眾義曰備攷不敢質也又案田車軫圍益一尺五分參分軫圍去一以爲式圍兵車之式圍七寸三分寸之一疏注云兵車之式圍七寸三分寸之一者此謂圓圍也賈疏云謂參分軾軾圍尺一寸而爲之尺一寸取九寸爲三分去三寸得六寸餘二寸各三分之二寸爲六分去二分得四分呂三分爲一寸餘一分添并六寸爲七寸三分寸之一也阮元云式圍七寸三分三釐三毫王宗淶云式圍圍徑二寸三分三釐四毫七秒七忽零鄭珍云式木正圍徑二寸四分四釐強揉一木爲之計長八尺餘其兩端入較柱其下正中爲鑿呂受植榘之柄當折向兩旁處宜各有柱承之并之橫自軾呂內長五尺有奇爲通轆不固也宜中介一柱或兩柱分其轆爲兩大格或三大格柱皆正

方大如式之圍差互爲鑿視斟酌半昂目受其柄式較大小所目異者人立常當式之地式之爲人憑任也比較爲勞故其圍差大案式木圍徑王據密率鄭據古率所算皆是也江藩目爲方徑一寸八分三三三一亦存倘一義田車式圍蓋七寸參分式圍去一以爲較圍兵車之較圍四寸九分寸之八疏參分式圍去一呂爲較圍者鄭用牧云較小於式者在兩旁用力少也注云兵車之較圍四寸九分寸之八者此亦謂圓圍也賈疏云目式圍七寸三分寸之一取六寸三分去二寸得四寸仍有一寸三分寸之一呂一寸者爲九分一分者轉爲三分并爲十二分去四分得八分故云較圍四寸九分寸之八也阮元云較圍四寸八分八釐八豪王宗涑云較圍圓徑一寸五分五釐一秒

周禮正義

禮七十六

三五 楚學子社本

五百四十八

八忽零鄭珍云較木亦正圓徑一寸六分二釐強兩端揉曲向下
下呂與柱銜接并後柱四正方大如上木之圍而銳其并柱自
式呂上之外廉呂揉式推之知不欲觸礙人手同也其受橫植
軼及橫轡之鑿各視其半昂爲之較之長自柱呂內應二尺六
寸零八釐強而高五尺三寸三分強爲通轡亦不固并後柱上
於軼三尺當加二橫方梁大如柱上下差互爲鑿呂受植軼如
此則植軼不至太長勢危又與較木相配合令柱上下牽倚得力
又令外闌橫閒之木有所交附否卽內焉立寬長之窗外焉附
長狹之闌皆机桎不可終日矣案經止云揉式不云揉較則較
兩端與植木柄鑿相配并侶當平設不當曲揉也況卿呂上重
較之車較上更有曲銅鉤則尤宜平設呂與銅鉤相接子尹說

姑存呂備攷又案較木圍徑亦王據密率鄭據古率江藩呂爲
方徑一寸二分二二二亦存備亦義田車較圍蓋四寸三分寸
之二參分較圍去一以爲軹圍兵車之軹圍三寸二十七分寸
之七軹輅之軸者衡者也與轂末同名疏注云兵車之軹圍三
寸二分七分寸之七者此謂方圍也賈疏云呂莠較圍四寸九
分寸之八四寸取三寸去一寸得二寸餘一寸爲二十七分餘
八分爲二十四分并之爲五十一分取三十去十分得二十分
又二十一者去七分得十四添莠二十爲三十四分取二十七
分爲一寸餘有七分在添莠二寸總爲三寸二十七分寸之七
也阮元云軹圍三寸二分五釐九豪江藩云方徑八分一釐四
豪入秒一忽二五王宗淩說同詒讓案田車軹圍蓋三寸九分

寸之一云輶輪之植者衡者也者載震云輶內之輪謂之輶輶之言積也積者大小枝交結也云與轂末同名者轂末之輶卽輪人所謂五分其轂之長去一曰爲賢去三曰爲輶者也呂其名同易於淆混故特釋之詳總敘疏參分輶圍去一以爲輶圍兵車之輶圍二寸八十一分寸之十四輶式之植者衡者也鄭司農云輶讀如繫轅之輶謂車輿輪立者也立者爲輶橫者爲輶書輶或作輪立謂輶者呂其鄉人爲名疏參分輶圍去一曰爲輶圍者鄭用收云輶在較下輶在式下長短不同故輶小於輶鄭珍云輶輶凡兩端皆爲偏筭各縱橫相毌如窗櫺然故謂之櫺陽貨載蔥靈寢其中而逃蔥靈卽窗櫺之借曰是棧車無輶輶故稱蔥靈虎蓋託土車使人不覺也輶輶同是輪木而大

小異者較高於式輶之任力比輶自多故增昂三分有奇所謂
惟其稱也 注云兵車之輶圍二寸八十一分寸之十四者此
亦謂方圍也賈疏云參分輶圍三寸二十七分寸之七取三寸
去一寸得二寸餘七分者段令整寸爲八十一分此二十七分
寸之七爲二十一三分之去七得十四分故云輶圍二寸八十
一分寸之十四也阮元云輶圍二寸一分七釐三豪王宗沐云
方徑五分四釐二豪九秒零詒讓案田車輶圍蓋二寸二十一
分寸之二云輶式之植者衡者也者謂式閒衡植材總名爲輶
也鄭珍云此可見車箱三面止是櫛無所謂版也輶式所目止
作櫛者輿可目輕則輕輶之視版輕數倍格格縱橫交結其視
版之堅亦數倍古人蓋計之精矣飾車輶革當輶帖輶內若糊

周禮正義 禮七十六

卷一百四十九

窗然棧車雖不輓革觀士喪禮惡車且有蒲蔽則平時有席蔽
輶內可知不徒窗格也鄭司農云輶讀如繫綴之綴者段玉裁
云擬其音也宋世華云士喪禮綴足用燕几注今文綴爲對云
謂車輿輶立者也立者爲輶橫者爲輶者鄭珍云先鄭曰輶之
立者爲輶橫者爲輶案輶圍大輶圍小曰二木相交犯大倚小
之病經文大小無并正爲設輶輶言故後鄭改之說文輶車橫
輶也又曰輶爲橫者則必曰輶爲直者矣亦失之云書輶或作
輶者輶爲輶輶之大名故書別本作此字則無曰別於上文之
輶圍不如作輶之辨哲故二鄭皆不从也戴震云車闕謂之輶
曲禮僕展輶效駕釋文輶盧云車轄頭輶也舊云車闕也說文
輶車輶闕橫木輶車籍交錯也楚辭九辨倚結輶兮長大息涕

潺湲兮下霑軾集注軾下從橫木案軾者軾較下從橫木統
名卽軾轡也結軾謂軾之衡絕交結倚軾而涕霑軾則是倚於
軾內之軾故其涕得下霑軾盧植軾頭軻之說乃因漢時路車
之軾施小旛謂之飛軾豕曰解經爾古無是名也案戴說甚覈
周時軒車之軾亦稱飛軾文選七發李注引尙書大傳云未命
爲士車不得有飛軾注云如今窗車也依鄭彼注說則飛軾卽
結軾如窗但加飾飛揚與重較相類與漢飛軾制不相涉也云
立謂軾者曰其軾人爲名者段玉裁云釋其字之从對也錢坫
云軾者對也曰式對人而言圖者中規方者中矩立者中縣衡
者中水直者如生焉繼者如附焉治材尻材如此乃善也如生
如木从地生如附如附枝之弘殺也疏圖者中規方者中矩者

呂下通論爲興上諸材形度之中規矩準繩也管子形勢篇亦云奚仲之爲車器也方圓曲直皆中規矩與此經義同鄭珍云圍者謂式較上平木方者謂諸柱軹轡云立者中縣衡者中水者立即材之直對者莊子馬蹄篇云匠人曰我善治木曲者中鉤直者應繩是也呂下別云直者故變文見義江永云謂軹轡也較式之平置亦橫者也鄭珍云立者謂柱及軹轡之植衡者謂式較及軹轡之橫云直者如生焉繼者如附焉者明其際會鑿柄之密合也江永云直者如生卽中縣者言其著於底版甚固也版之相連與軹轡橫直之相交皆爲繼鄭珍云直者謂輿繼者謂闌 注云治材尻材如此乃善也者鄭珍云中規中矩治材之善也中水中縣如生如附尻材之善也云如生如木從

地生者王宗洙云言立之軫上如木生於地不可動搖也云如
附如附枝之引殺也者賈疏云材有大小相附著如木之枝柯
本大末小之引殺也凡尻材大與小無并大倚小則摧引之則
絕并偏衰相就也用力之時其大并於小者小者彊不堪則摧
也其小并於大者小者力不堪則絕也疏凡尻材大與小無并
者大史注云尻猶處也尻材與弓人尻幹尻角義同謂處置車
上之材大與大小與小各自相从不可錯互釋文載舊音據則
讀爲鋸字非也詳弓人疏云大倚小則摧者說文人部云倚依
也手部云摧一曰折也大小相依則小者不能任必至於折也
云引之則絕者鄭珍云謂人扳引之詒讓案此謂橫引之也當
兼人馬言之注云并偏衰相就也者說文并部云并相从也

相就與相从義同凡材大小各自相值則交午勻正若大小相并則侂梧不相當故有偏衰牽就之患鄭珍云輶輶小式較及諸柱大目小從橫交於大宜鑿柄相應不令偏衰相就否則摧絕之患作案子尹說亦通云用力之時其大并於小者小者彊不堪則摧也其小并於大者小者力不堪則絕也者鄭意大并小則目小承大重勢下厭而摧小并大則強弱不調旁引之小者必絕鄭珍云用力謂人憑倚着力棧車欲弇爲其無革輓不堅易圯壞也士棗棧車疏棧車欲弇者爾雅釋器云園弇上謂之肅郭注云鼎斂上而小口此弇亦謂上斂也詳典同疏賈疏云弇向內爲之江永云賈謂弇向內侈向外按成二年左傳止父腹于輶中孔疏謂輶與棧者音義同引此棧車之注而云然

則弁者謂上狹下闊也此已上下言之與賈說異向內向外是車後戶有翕張上下則謂較與邸有闊狹案賈氏向內向外之說不案何指江謂指後戶然輪輿諸職疏竝無是說諦宋賈意疑仍據較較上端而言與孔說異而指同也但輿上橫直材度數既有一定之繩尺無論內外上下皆不得有侈弁依賈孔說則較諸材皆當衰設破壞度率幾成奇車其可通乎故鄭珍亦駁之云兩轡壁立五尺五寸不加外闌猶且危之況又可令眾材斜弛案鄭所糾甚當竊謂此經輪輿度數自是上下之通制士築棧車制亦如此所謂弁侈者自指較端之飾言之士車無鞅飾其較不重對飾車言之則謂之弁其實內外上下本方正不必狹於常制也又案韓非子外儲說左云孫叔敖相楚棧

車化馬晏子春秋內篇雜下云晏子棧軫之車而駕騶馬曰朝
彼棧軫與詩秦風小戎倭收義同謂車軫軛倭狹棧倭同聲段
借字與此棧車小異但倭卽鮑人注倭淺之字淺狹與斂弁義
亦相近可相參證也 注云爲其無革晚不堅易塡壤也者巾
車注云棧車謂不革輓而漆之蓋輓革所曰爲堅固此不輓革
則慮其不堅而易塡壤故欲弁也云士乘棧車者賈疏云中車
職文江永云士棧車無飾而庶人棄役車亦如棧車欲弁之制
故詩云有棧之車行彼周道飾車欲侈飾車謂革輓輿也大夫
曰上革輓輿故書侈作移杜子春云當爲侈疏飾車欲侈者五
音集韻引字林云侈大也飾車大夫曰上之車有重較較上重
耳反出校之常車爲張大故欲侈阮元謂侈卽指張耳言之其

說是也賈疏不愜曰爲向外侈失之 注云飾車謂革鞅輿也
者對棧車無革鞅也云大夫曰上革鞅輿者賈疏云則天子諸
侯之車曰革鞅輿及轂約也但有異物之飾者則得玉金象之
名號無名號者直曰革爲稱革路墨車之等是也若木路亦曰
革鞅但不漆飾故曰木爲號孤卿轂上有篆飾卽曰篆纓爲名
也按殷傳云未命爲士者不得棗飾車士得棗飾車者後異代
變也案巾車木路注云不鞅曰革漆之而已則木路本無革鞅
此注雖通咳王侯而木路則不在其列賈說大誤江永云閔二
年歸衛夫人魚軒定九年與敝無存犀軒夫人用魚皮卿用犀
則大夫之軒及凡革車皆用牛革乎詒議案飾車制度侈大故
亦謂之大車詩王風大車檻檻毛傳云大車大夫之車曹風侯

人傳又謂大夫呂上蔡軒皆卽飾車也又公羊昭二十五年何
注云禮大夫大車士飾車彼大車亦卽此飾車而謂士蔡飾車
則與伏傳同文選別賦李注又引大傳云未命爲士者不得蔡
朱軒注云軒輿也士呂朱飾之依巾車大夫止蔡墨車不宜命
士反得乘朱軒伏何說非此經之義賈亦謂伏傳是異代法而
巾車疏則謂伏傳飾車卽是有漆飾之棧車二疏說不同曲禮
孔疏又謂上士三命得賜車馬中士蔡棧車是士有不蔡棧車
者若然則伏何說飾車卽此大夫所蔡之車或三命上士加賜
得蔡之與云故書侈作移杜子春云當爲侈者麋氏侈弇之所
由與注同段玉裁云此古文段借字也少牢饋食禮侈袂一作
侈袂

周禮正義卷七十六終

周禮正義卷七十六